

Smučarski sport u Travniku počeo je da se razvija tridesetih godina. Međutim, sve do formiranja prve sekcije u sastavu Dobrovoljnog vatrogasnog društva 1935, aktivnost se odvijala spontano, bez zapaženijih rezultata. Većih ostvarenja neće biti sve do rata, ali će, ipak, ostati zapisano da je i u ovom kraju održano nekoliko lokalnih tečajeva i takmičenja.

Sportski preporod i ovdje dolazi sa slobodom. Smučari među prvima oživljavaju aktivnost, i već krajem četrdesetih godina izbijaju u republički vrh, gdje će se održati nepunu deceniju.

Od 1954. godine Smučarski klub djeluje samostalno. Prilikom formiranja imao je 80 članova, a danas ih je gotovo 500. Aktivnost se odvija u tri sekcije: za skokove, alpske i klasične discipline. Iako su članovi SK »Travnik« u prvim poratnim godinama najbolje rezultate postizali u smučarskom trčanju (Miroslav Blažević je bio prvak Jugoslavije u konkurenciji mladih omladinaca na sedam kilometara, a Pinjo Siradž vicešampion na dvanaest kilometara u konkurenciji stari-

jih omladinaca), Travičani su se u novije vrijeme pročuli svojom školom za skokove i hrabrim »orličima« koji rastu i stasavaju na snježnoj planini.

Temelje školi na Vlašiću postavio je državni reprezentativac Miro Oman, a danas školom veoma uspješno rukovodi Poljak Januš Fortecki, koji je jedanaest godina trenirao najbolje poljske skakače. Kroz njegove ruke prošli su i takvi asovi kao što je bio olimpijski pobjednik iz Saporoa Vojček Fortuna.

»Na prekrasni Vlašić prvi put sam došao sredinom decembra 1980. godine na poziv Smučarskog saveza Bosne i Hercegovine, kaže Fortecki. Ovdje sam našao nadarene mladiće za skokove, koji uz stalan rad mogu postati dobri takmičari. Međutim, do vrhunskih rezultata treba i vremena i strpljenja, ne smije se odustajati. Treneri Sejo Tahirović i Safet Memeleđića treba da nastave sve ovo što smo započeli, treba omasoviti bazu, i uspjesi sigurno neće izostati...«

Još juče su vlašićki »orlići« skakali samo na de-

monstracionim takmičenjima, a već danas Jovan i Marko Radovanović, Reuf Karajko i Senad Karalić smionu se penju i na 70-metarske skakaonice.

Januš Fortecki u budućnosti najviše očekuje od

ekipe jedanaestogodišnjaka, u kojoj se posebno ističu Nedeljko i Jovo Perlić, Milorad Traljić, braća Radovanovići i Bogdo Vujić. Oni su nade Vlašića i travničke škole za skokove.

Zimski sportovi u Malim olimpijskim igrama

Velike radosti malih olimpijaca

Zimski sportovi su osamdesetih godina »na juriš« osvojili srca mladih u Bosni i Hercegovini.

Olimpijada ih je kao magnet povukla na snježne pruge. Odjednom su na proplancima oživjele staze, na kojima je hiljade dječaka i djevojčica načinilo svoje prve smučarske korake. Tu gdje su započeli, mladi smučari su i nastavili svoju aktivnost. Tako su rasla takmičenja, tako su stvarane sekcije i »škole«, tako su nicali novi klubovi.

Velik zamah razvoju zimskih sportova dale su Male olimpijske igre, taj nepresušni sportski pokret mladih, koji je mnogim sportovima u Republici darovao svježinu i snagu.

Svoje trajanje u atletici, gimnastici, fudbalu i još nekim disciplinama, Male olimpijske igre počele su desetak godina prije nego u zimskim sportovima, ali za samo pet godina i u njima su doživjele svoju punu afirmaciju.

Uz svesrdnu podršku Smučarskog saveza Bosne i Hercegovine, Koordinacioni odbor MOI uvrstio je u program zimske sportove u školskoj 1979/80. godini. Već taj prvi korak djelovao je podsticajno: na školskim i opštinskim takmičenjima učestvovalo je 21.170 učenika iz 199 škola u 36 opština. Najmasovnija takmičenja organizovana su u Kaknju, Glamoču, Banjaluci, Bosanskom Novom, Srebrenici, Šipovu, Travniku, Sokocu i sarajevskim opštinama.

Prvo republičko finale, nakon školskih, opštinskih i regionalnih takmičenja, održano je na Vlašiću od 24. do 26. februara 1980. godine.

Osnovci su se nadmetali u veleslalomu, sankanju i trčanju na dva i tri kilometra, a srednjoškolci u veleslalomu, slalomu i trčanju na tri i četiri kilometra. U konkurenciji se našlo 285 učenika i učenica iz 34 opštine, što je za početak bilo ohrabrujuće.

Takmičenja su protekla u zanimljivom nadmetanju. Ostalo je zapisano da su među osnovcima u veleslalomu najuspješniji bili Branko Popović iz Vogošće, Slaven Banušić iz Travnika, Davor Radojević i Sanja Isaković iz Sarajeva, Maja Saračević iz Zenice i Mirela Pašović sa Pala. U istoj disciplini, u konkurenciji srednjoškolaca, medalje su osvojili: Slaven Isaković, Zeljko Katelić i Vedrana Perić iz Sarajeva, Zeljko Šljivić sa Pala, Aida Halda iz Travnika i Sandra Granić iz Zenice. U slalomu su se nadmetali samo srednjoškolci. Najbolji su bili: Franjo Gašo iz Pucareva, Srđan Janjić i Maja Semjan iz Sarajeva, Silvester Skelo iz Zenice, Alema Bajramović iz Travnika i Jadranka Jokić sa Ilidže. U trčanju na tri kilometra tri prva mjesta osvojili su osnovci sa Pala: Jovo Lučić, Siniša Lasica i Dražen Jasika. Učenice su trčale kilometar manje i Paljanke Danku Purković i Snježanu Skokić razdvojila je u poretku Travičanka Nevenka Jokanović.

Srednjoškolci sa Pala nisu zaostali za svojim osnovcima. Ostali su samo bez jedne, bronzane medalje (uzela je Nevenka Vujnović iz Travnika), a sve ostalo su podijelili između sebe: Radmila Ko-

vač, Jasna Pandurović, Tomislav Lopatić, Zdravko Lasica i Dragan Zuber.

Najbrže sanke među takmičarima iz osnovnih škola imao je Zlatan Mašić iz Kladnja. Najveći konkurenti bili su mu Duško Makić iz Vogošće i Alija Šiljak iz Travnika. Među učenicama prvo mjesto je osvojila Anđelka Zeljković iz Mrkonjić-Grada, druga je bila Sonja Banašević iz Hadžića, a treća Svjetlana Buntić iz Vogošće.

U okviru Prvog republičkog finala u zimskim sportovima održano je propagandno takmičenje u skokovima. U kategoriji mladih pionira najuspješniji su bili Travičani Marko Radovanović, Bogdan Vujinović i Mile Marić, a kod starijih pionira Jovan Radovanović, Savo Marić i Milorad Radovanović. Propagandno je bilo takmičenje i u veleslalomu za učenike od prvog do četvrtog razreda osnovnih škola. Najbolji utisak ostavili su Goran Pržulj, Ivo Dak, Alen Muhanović, Renata Manojlović, Amela Begovac i Sabina Bajramović.

Uz svečanosti, u Prvom republičkom finalu u zimskim sportovima pokrenuta je i jedna veoma značajna akcija »Hiljadu smučki za hiljadu budućih takmičara«. Prvih šezdeset pari

uručeno je učenicima iz Travnika, Glamoča, Kaknja, Šipova, Pala i Sokoca. Akcija je od samog starta imala vaspitno-propagandni karakter i jasan cilj: podsticanje razvoja zimskih sportova među djecom i omladinom u SR-BiH.

Već u drugoj godini akcija je realizovana u potpunosti: u Drugom republičkom finalu, na Palama, školama u 35 opština uručeno je 1.000 pari smučki. Uz ovu akciju, Smučarski savez Bosne i Hercegovine i List »Oslobodenje«, izvršili su izbor 30 daka-pješaka smučara, i dodijelili im skije.

Inače, ovo drugo finale bilo je i masovnije i kvalitetnije od prvog. Nakon školskih i opštinskih takmičenja, u kojima je učestvovao 42.191 učenik, na Pale su došli najbolji: njih 457 iz 54 opštine.


Napredak je u svemu bio argumentovan: brojke impozantne, a trke uzbudljive.

U spomenaru Malih olimpijskih igara ostala su naglašena imena najboljih. A najbolji su bili — u veleslalomu, u konkurenciji osnovaca: Slaven Banušić iz Travnika, Mičo Lučić sa Pala i Igor Vukičević iz Novog Sarajeva, te Maja Saračević iz Zenice, Sladana Ristić iz Trnova i Mirela Pašović sa Pala; u


smučarskom trčanju među osnovcima opet su dominirali Paljani — Slaviša Skokić, Goran Numović i Zoran Škopina, a među učenicama Travničanke Stevka Vujinović i Nevenka Jokanović i Paljanka Sretenka Golić; najbrže sanke imale su Samira Imamović iz Novog Grada — Sarajevo, Sanja Banasević iz Hadžića i Nihada Tukulija iz Trnova, te učenici Zoran Okolić iz Vogošće, Izo Mulalić iz Trnova i Željko Marelja iz Travnika.

U nadmetanju srednjoškolaca najviše pažnje privukao je slalom, a u njemu su najuspješniji bili Željko Šljivić sa Pala, Dragan Nikolić iz Novog Sarajeva i Zlatko Atlagić iz Banjaluke. Među učenicama medaljama su se okitile Svjetlana Bilbija sa Ilidže, Aida Helda iz Travnika i Vesna Pepić iz Bihaća. U veleslalomu pobijedila je Sanja Isaković (Centar — Sarajevo), druga je bila Nina Knežević iz Bihaća, a treća Alema Bajramović iz Travnika. Kod učenika trofeje su osvojili Edo Bajramović iz Travnika, Joica Perović iz Sarajeva i Jasmin Pašović sa Pala.

Paljani su u trčanju i ovog puta izgubili samo jednu medalju — bronzanu. Milomir Lučić, Tomislav Lopatić, Milorad Lučić, Snježana Skokić i



Početak i kraj velikog poduhvata: izgradnja bob i sankaske staze na Trebeviću





Vrijedne ruke rušile su rekorde i mijenjale lice Sarajeva i njegovim planinama: Stinji do nekad i danas, i mjesto gdje je izrasla Zetra (desno)



Branko Mikulić, predsjednik Organizacionog komiteta 14. zimskih olimpijskih igara u razgovoru sa Huanom Antoniom Samaranom predsjednikom Međunarodnog olimpijskog komiteta i Monik Berišu, direktorom MOK-a



Zoran Cosić, član «Romanije» sa Pala i olimpijske selekcije Jugoslavije u biatlonu



Betonsko tijelo olimpijske skakaonice na Igmanu



Prvi šampioni trebevičke bob staze: posade Njemačke DR II (u sredini), Njemačke DR III i Švajcarske II (1982)



Pobjednik Jahorinskog kupa 1981. bio je šampion Svjetskog kupa Peter Liser (u sredini). Uz njega su Strolic i Ridelperger

Juniorski prvaci svijeta u Zetri: sovjetski plesni par Tatjana Gladkova i Igor Špilband (1982)





Sampionke jahorinskog ženskog spusta (1983): Marija Valizer (u sredini), Elizabet Kirhler i Ariana Erat



Primož Ulaga (Jugoslavija) i Matti Nikinen (Finska), pobjednici prvih međunarodnih takmičenja u skokovima na Malom polju



Prvi šampioni bjelašničkog spusta: Gerhard Pfaffenbiher (u sredini), Franc Klammer i Stiv Podborski (Svjetski kup 1983)



Svjetsko juniorsko prvenstvo u brzom klizanju (Zetra 1983)



Detalj sa Prvenstva Jugoslavije u brzom klizanju: Imer Pezo i Zeca Zečević



Danka Purković nanizali su trofeje za ponos svojoj opštini. Opet je tu jedinu bronzanu medalju za »ostatak« osvojila Travničanica Nevenka Vujinović.

I u ovoj prilici mladi skakači sa Vlašića demonstrirali su svoje znanje u skokovima na improvizovanoj skakaonici. Ponoviče to i godinu dana kasnije, na Trećem republičkom finalu u Kupresu, i tako na svoju »školu za skokove« skrenuti pažnju šire javnosti.

U Kupresu, na Treće finale, došlo je 420 takmičara iz 46 opština.

Uz gostoprimstvo domaćina i dobro organizovano takmičenje ostala su zapisana imena najuspješnijih učesnika. Među osnovcima bili su to: Momo Skokić i Nenad Ilić sa Pala i Almir Vujić iz Hadžića u biatlonu; Amira Zobić iz Travnika, Edina Dželadinović iz Jajca, Ljiljana Dragičević iz Sarajeva, Željko Marelja iz Travnika, Ibrahim Softić iz Lukavca i Darko Pavlić iz Vareša u sankanju; Aida Selmanović, Dženana Panjeta i Aida Škaljić iz Sarajeva, Mićo Lučić sa Pala i Zoran Perušina i Zoran Militar iz Sarajeva u veleslalomu; Petar Kovačević sa Sokoca, Miloš Vujkinović iz Travnika, Zdravko Čičak iz Kupresa, Nevenka Jokanović iz Travnika, Sreten-

ka Golić i Suzana Jugović sa Pala u trčanju; u propagandnim skokovima od devet prvih mjesta Travnjčani su osvojili osam: cici-bani Milorad Traljić, Nedeljko Perlić i Bogdan Vujinović, mladi pioniri Jovo Radovanović i Jovo Perlić, te stariji pioniri Marko Radovanović, Jovan Radovanović i Savo Marić. »Račune« im je pomrsio samo komšija — Nedeljko Marić iz Turba, drugim mjestom u konkurenciji mladih pionira.

Imena najboljih teku u nizu i kod srednjoškolaca: Stipo Radić i Ilija Pavlović iz Kupresa i Zoran Skipina sa Pala u biatlonu; Sanja Isaković i Sladana Ristić iz Sarajeva, Vesna Pepić iz Bihaća, Edim Bajramović iz Travnika, Gordan Rapajić i Saša Dabo iz Sarajeva u veleslalomu; Amira Grahić iz Sarajeva, Maja Saračević iz Zenice, Svjetlana Bilbija sa Ilidže, Nedim Crnkić iz Travnika, Franjo Gašo iz Pucareva i Goran Tomašev sa Ilidže u slalomu; Snježana Skokić sa Pala, Nevenka Vujinović i Stevka Vujinović iz Travnika, Dražen Jasika i Blaško Veselinović sa Pala i Zdravko Grubješić iz Zenice u trčanju.

Takmičenje na Kupresu, iako po broju učesnika zbog loših vremenskih uslova nije dostiglo prethodno na Palama, kvalitetom

je ukazalo na kontinuiran napredak mladih smučara. U cilju stalnog podsticanja i masovnosti i kvaliteta, Koordinacioni odbor MOI, Smučarski savez BiH, Koordinacioni odbor zimskih sportova, SOF-KBiH, Republička konferencija SSOBiH, organizacije udruženog rada »Energoinvest«, »Šipad«, »Elan« i drugi i u ovoj godini nastavili su akciju »Hiljadu smučki za hiljadu budućih takmičara«.

Već nakon treće godine prisustva zimskih sportova u programu Malih olimpijskih igara pokazala se mnogostruko korisnom ideja da i ovi sportovi, prije svega, uđu u škole, da se tu razviju, i iz školskih klupa podu dalje, sve snažnije i sve šire. Ovim putem su išle Male olimpijske igre, i u zimskim sportovima, i na ovom putu su za kratko vrijeme zabilježile vidljive rezultate.

Cetvrto republičko finale, održano u Kladnju od 25. do 27. februara 1983. godine, i pored organizacionih teškoća zbog nedostatka snijega, novim vrijednostima potvrdilo je pređeni put širom otvarajućih vrata pune afirmacije.

U ovom ciklusu na razrednim, školskim i opštinskim takmičenjima u 48 opština učestvovalo je više od 13.000 učenika, da bi

na Republičko finale došlo 365 učenika iz 286 škola.

Medalje su osvojili: pioniri-skakači Nedeljko Perić, Bogdan Vujinović i Jovo Radovanović u konkurenciji učenika od prvog do četvrtog razreda, a Jovo Perlić i Jovo Radovanović iz Travnika i Kenan Merdžanović iz Hadžića u konkurenciji učenika od petog do osmog razreda. Najbrže sanke kod osnovaca imale su Fatima Avdibegović iz Kladnja, Senada Mušanović iz Rogatiće, Danijela Višnjevac iz Kalinovika, Ajdin Fetibegović iz Bosanskog Novog, Senad Hodžić iz Sarajeva (Novi Grad) i Behrudin Hrustanović iz Pucareva.

Veleslalom je najviše radosti darovao Suadu Sujoldžiću iz Travnika, Zoranu Perušini iz Sarajeva, Jasminu Hujiću iz Hadžića, Ani Glavički iz Sarajeva, Davorki Dursun iz Vareša i Mersili Mravac u nadmetanju osnovaca, a Spomenki Popović iz Sarajeva (Centar), Aidi Heldi iz Travnika, Svjetlani Bilbiji sa Ilidže, Enesu Čakiću iz Pucareva, Slavenu Punišiću iz Travnika i Branku Papoviću iz Vogošće u konkurenciji srednjoškolaca. U slalomu su se nadmetali samo učenici i učenice škola srednjeg usmjerenog obrazovanja. Nakon vještih i brzih vož-

nji između kapija, na pobjedničko postolje popeli su se: Adnan Tenić iz Travnika, Saša Dabo (Novi Grad) i Jasenko Selimović (Centar) iz Sarajeva, te Narcisa Pušina (Sarajevo – Centar), Mirjana Laušević (Ilidža) i Amila Bajramović (Travnik). U trčanju na 3 km kod osnovaca najbrži su bili Travničani Nenad Kalajdžić i Marko Marić, koje je u poretku razdvojio Njegoslav Koprivica sa Sokoca. U konkurenciji učenica prva je bila Snježana Skokić sa Pala, druga Slavka Vujinović iz Travnika, a treća Branka Purković sa Pala. Učenicice osnovnih škola trčale su i na stazi dugoj 2 kilometra. Najbrža je bila Suzana Jugović sa Pala. Njoj najbliže: Nikolija Traljić iz Travnika i Vida Kovačević sa Sokoca.

Srednjoškolci su trčali na četiri kilometra. I ovdje su dominirali Paljani. Prva dva mjesta osvojili su Milorad Lučić i Blaško

Veselinović, a treće Milorad Numović iz Sarajeva (Centar). Zanimljivo je bilo i nadmetanje srednjoškolaca u patrolnom trčanju na četiri kilometra sa dva gađanja iz malokalibarske puške. Paljani su bili prvi (Srđan Ilić, Zoran Skipina i Dobrivoje Vučić), Sarajevo – Novi Grad drugi (Borut Lobođa, Srđan Milić i Dejan Nikolić), a Kalinovik treći (Goran Mladić, Nemanja Manjak i Nebojša Govedarica).

Cetvrto finale najavilo je i prvu završnu smotru Malih olimpijskih igara u zimskim sportovima, koja je od 19. do 21. januara 1984. godine održana na olimpijskim borištima. Nastupom na poprištu 14. zimske olimpijade, dvadesetak dana prije početka najveće sportske smotre u našoj zemlji, mali olimpijci simbolično označili početak »olimpijskih dana« u Sarajevu.